


## Schnitzelbank 2020


Da Gmüasler Grof, hät a Halla baut  
Drum macht mer a Fäscht, wia sichs kona traut  
Vo Puur zu Puur, merkt mer's halt viel z'spoot  
Wenn bim Zmittagessa, da eiga Salot usgoht.



D Höllahünd, hond a Fäschtli gmacht  
Viel Lüt häts ka, bis i alli Nacht  
Jubiläum honds gfiiret, doch leider 1 Jahr z spot  
För a Fäscht im Wichastoaner Sumpf, d Bewilligung lang goht.




Im Oberriet, send mör als Gugga zwoo  
D'Törrgabenglar, lond üüs jetzt im Räga stooch,  
Es isch verruckt, wia ka da nu passiera.  
Sie wänd mit em Törrgaball, z'Kriessara immigriera.



Zum AKW, segid mör Adee  
Da Schualunterricht, isch am Fritig o passee  
Vo da Klima-Demo gonds früaner, es isch an Hit  
Sus verpassids da Flug, an Weekend-Städte-Trip.





## GUGGAMUSIG BLEANDASTÖBER

Wersch langsam alt, und du gsechsch ganz schlecht  
Laufsch durs Dorf, und kappiersch es numma recht  
Rund und glänzig ischs, du kasches nöd verstoh  
Anstatt bi da Ogaklinik, besch bim Raiffisa-Driveln akoh.



Am Tornfäscht hond's, zemma alles breicht  
Isch erschtuunlich wammer, gmeinsam so erreicht  
Am KTV, langet da no nöd  
Wer för a Hoptprob 5 Stutz zallt, isch doch a kli blöd.




Zum dur da Pfänder, hät mer früaner mösa zahla  
Jetzt kammer gratis, da söt üs allna gfalla  
Doch d Rechnig kunt scho bald, irgendöper wird druf go  
Ds Diepoldsau kasch ez, no länger im Stau sctoh.



D Angela Merkel, sie wird langsam alt  
Eri Zitterafäll, dia lond niamert kalt  
O wegam Ueli Murer, mos die ganz Welt lacha  
Wenner im CNN uf Englisch, a Interview mos macha.





## GUGGAMUSIG BLEANDASTÖBER

Elektro Kolb, fiiret 100 Johr  
A Jubiläum hommer oh, nu s 35igscht zwor  
Mör hoffid üs, werds no lang guat loffa  
Und's nöd o passiert, das mör üs mond verkofa.

